

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostratum speculum**

Andreä, Johann Valentin

Cosmopoli [i.e. Straßburg], 1618

5. Apostasia

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

quam: sed proditor, atque nimium ingenuus, qui non erubuit dicere, quod alii non cogitant tantum, sed credunt firmiter, & tota vita usurpant. *B.* Cur ergo cuncti detestantur hominem? *A.* Merito. nam qui dominantur dolent artes suas detectas; qui consiliarii sunt, succensent conscientiam tactam; qui serviunt, primum stolidè infremunt, quasi ex Machiavelli cerebro enata sint hæc mala, dein hac miseriarum suarum luce excruciantur. *B.* Qui certus ero de Machiavelli innocentia? *A.* Si in præsens, & prætergressa secula curiose inquiras. Nam videbis permultos qui iuri præsent, iniustissimos: qui religioni, maxime impios; qui eruditioni, imperitissimos; qui laboribus, otiosissimos; qui humanitati, monstruosissimos. *B.* Id ego ex Machiavello didicisse credidi. *A.* Imò a Mundo, cuius ille sagacissimus observator, & simplicissimus recitator fuit. *B.* Saltem pereat, qui tot mala ei insunt. *A.* Quod si id velis non ligna tibi, non focus suffecerint; tu vero rem Deo committe, cui universa Mundi malitia cognita est, ut eam eludat sapientissime. *B.* Vivetne Machiavellus? *A.* Vivet; si nullo alio nomine, certe: quia humanæ nequitiae apertissimus testis.

5. APOSTASIA.

A. S Empérne lugebis? *B.* Nec unquam fatis. *A.* Speremus meliora, nec enim Deo eripientur sui. *B.* At de posteritate quid fiet? *A.* Idè quod de nobis, antequam Maiores nostri agnoverunt lucem. *B.* Nescio quam videntur mihi

mihi nimium multi religione liberiùs iudicare, frigidius sentire, iniquius statuere. *A.* Falleris, qui metuis: Ecclesiæ nam ut maxime ea lucis nunc minus, nunc plus habeat, Deo tamen semper splendet, nec terrenorum nequitia maculatur. *B.* Nonne hæ maculæ sint, integras terras, & tantum reformatorum gregem Christo renuntiare? *A.* Atqui id Mundus universus & dudum fecit, & faciet porro: nisi credis Christum minus impietate, quam erroribus offendi. *B.* Anne etiam apud nos? *A.* Omnino: nam Christiana confessione velle sincerissimos omnium esse & scripturæ ad unguem consentaneos, moribus nullis meliores, quid aliud est nisi Christo turpiter illudere? *B.* Nunquam mortales absque defectibus erunt. *A.* Nunquam sane; at tu, quæso, tecum cogita, quæ blasphemiarum, luxus, libidines, vanitates, rapinæ, iniquitates, voluptates, imposturæ inter nos publicè tolerantur, aut propemodum approbentur. Quæ omnia cum nihil omnino cum Christo habeat commune, quid interest quam iactemus religionem? *B.* Nonne severa sunt in sceleratos iura, & poenarum exempla frequentissima? *A.* In imbecilles utique: potentiores elogis puniuntur. *B.* At hi Christum iudicem expectant. *A.* Optimè, vides quippe res nostras in ista rerum publicarum minus Christiana administratione Deo ipsi relinquendas esse, qui suo arbitrio hoc tempus ita moderatur, ne piis fraudi esse possit. *B.* Quid interim veritatis assertoribus debebitur? *A.* laus ingens, quæ tum demum plena foret, si eosdem spiritus ad imitandum

dum, quos ad afferendum Christum proferrent.
B. Fiet id opinor, si quod experimentum ætas
 nostra exigit. *A.* Imò Christus id exigit, estque
 hoc unicum quod religionem nobis factam te-
 stamque servabit. *B.* Sperabimus. *A.* Agamus
 potiùs, & tentemus, ne eidem scientiæ subscri-
 plisse cœculi, & diversas vita prophana exprime-
 re dicamur. *B.* O felix tum Concordia. *A.* Felix
 certe atq, id nisi sit, non ullam aliam nobis me-
 tuo religionem, nisi nullam.

6. P R A E C E P T O R.

A. Tane acquiescis? *B.* Delicatus sim, qui præ-
 sente felicitate quiriter. *A.* Laudo oportu-
 nitatis usum, sed an diuturnum credis? *B.* Om-
 nia præfagia persuadent. *A.* Quæ illa? *B.* Hu-
 militas, candor, liberalitas, pudor, diligentia pie-
 tas discipuli, scilicet semina herois ad populorū
 salutem aliquando imperaturi. *A.* Magnifica
 dicis, quibus nos votum meritò addimus, in-
 terim hæsito. *B.* Frustrà, In mea manu inge-
 nium est, his digitis formabitur tam flexilis cera.
A. Quibus obsecro artibus *B.* Nobilissimis; imo
 universæ Philosophiæ medullis: nec enim ad li-
 teratorum regulas erudietur, sed planissimè nã-
 turæ elegantius. *A.* Miseret me tui. *B.* Mei ye-
 ro, qui paratus sum tibi, tuisque intercessione
 favere. *A.* Tu senio tuo iamiam prospicito,
 quod, aut maxime fallor, ignobile habebis, & mi-
 serum. *B.* Despispis. *A.* Nescis tu, illas tuas literas
 in paucos admodum annos tolerabiles, monita
 excusabilia, fidelitatem non capitalem? *B.* Non
 capio,

obsc.